

## Schnitzelbank Gruppe Clowns 2015

D'Wiehnachtsbelüchtig – ab anfangs Dezember – tut üs allnä gfallä

Im Rössliquartier – vielleicht will dr Kiosk hätt müssä go – tut Belüchtig – immer wieder - usfallä

Au Strassäbelüchtig – usserhalb vom Dorf – tut ab äm 11 – nümmä brennä

Dä Kanton – muss anschienänd sparä – mir hoffed fest – s'tut wäg dem keine - üf d'Schnorrä hauä

Nebischt „Kultur & Bibiton - tut er au - d' Waldlehrpfad Verein – präsiderä

A dr'Informationstagig – stellvertretend für dä kranki Referent – tut er dä Verein – grad selber präsentierä

Im Dezember – a dr Gmeind – für Dresch schür – zieht er alli Register

Äs isch klar – de Peter isch – Kaltbrunns neue - Kulturminister

Im Altersheim z'Chaltbrunn – über die türe Prise – machet mir üs – vieli Gedanke

Am Sunntig kostet s'Menü – ohne Kaffee und Dessert – äs rots Nötli und drü Franke

D'Bewohner vo de Alterswohnige – da nüt mobil – händ leider kei Alternative

Sie bliebet lieber dihei – bi denä - türe Prise

Wänd Grossbur wotsch wärdä – bausch eifach ä Stall – mit vielä Subventionä

Land bruchsch kei – dänn s'Futter – für die 100 Kühe – chasch billig im Usland holä

Ä Melkroboter – für vieli tusig Frankä – ghört au zum Hab und Guet

Wänn das nur gut chunnt – uf dr Farm - im Tschiriguet

Dr'Sepp Blatter – dä FIFA Präsident – us em Wallis – kennt alli Trickli

Für die 5 Amtszeit – schmiert und besticht er – mit vielä Schwyzerfränkli

Derbi gits än viel jüngerä Maa – wo au alles cha – das isch de Bayer Ueli

Stürä hinterzi – schummlä und lügä – das alles isch vergäh – s'gaht nur no - es Jöhrli

Jedes Jahr – es isch en schönä Bruch – die zweite Oberstufeschüler - laufed vo Hus zu Huus

Sie sammlet Adresse – für i Ziitig – damit meh cha – zum Neujahr Glück a wünsche

Leider sind i dem Jahr – die Adresse – voller Fehler

Vor und Nachnahmen verwechselt – kein Kommas – wo isch Kontrolle gsi – vo dä Lehrer

Männerriegä Mannä – das isch ja klar – sind a Fussball WM - nach Brasilien gangä

Än einzigä Match – händs live gseh – anschienend sinds lieber - go umehänge

Dä Toni und dä Markus – und au di andärä – sind Personal für Brunos Bar - go suchä

Für das händs mussä – die heisse Girls – a dä Copacapana - go bsuchä

Nach dr'Fasnacht – anfangs März – s'isch leider wahr – tut er üs verlassä

Nach Appenzell – zu denä chlinä Lüt – zieht's in hi – äs isch nüt zum gspassä

D'Vespredigt – im Fasnachtsgottesdient – werdet mer – sicher vermissä

Au dr' Heiwehlöschzug – wird dich – nüt vergässä

Mir begleitet dich – uf Appezell – natürlich nur in Gedankä

Und säget dir – für die Ziit in Kaltbrunn – vielmal dankä